

LIBURUTEGIEN ARTEKO MAILEGUA

NAFARROAKO LIBURUTEGI PUBLIKOAK BIBLIOTECAS PÚBLICAS DE NAVARRA

ZER DA?

Liburutegien arteko mailegua Nafarroako liburutegi publikoek eskaintzen duten zerbitzu bat da, eta, haren bidez, erabiltzaileen esku jartzen dira dokumentuak, baldin eta, liburutegi bateko bildumaren parte ez badira ere, eskuragarri badaude sistemako beste liburutegi publiko batzuetan.

NORENTZAKO ZERBITZUA DA?

Nafarroako liburutegi publikoen erabiltzaile helduaren txartela duen edozein pertsonak hala eskatuta eskaintzen dute liburutegiek liburutegien arteko mailegua.

Ezin da mailegu-eskaerarik egin eskatzaileak zehapenik badu, epean itzuli gabeko materialak baditu edo berankor-izaera badu.

ZER MAILEGATU DAITEKE?

Liburutegi publikoen katalogoan mailegatzeko modukotzat jotako edozein dokumentu eska daiteke; nolahi ere, hura duen liburutegiak erabakiko du mailegua baimentzea edo hari uko egitea, zerbitzuaren araudia, mailegu-politika edo dokumentuaren baldintzak oinarri hartuta. Eskaera egin aurretik, erabiltzaileak ziurtatu beharko du dokumentu hori ez dagoela bere liburutegian.

Oro har, honako dokumentu mota hauek ez daude erabilgarri liburutegien arteko mailegu-zerbitzuan:

- Mailegua eskatzen duen liburutegian badauden dokumentuak,
- Erreferentziako obrak (entziklopediak, hiztegiak, eta abar),
- Antzinako dokumentuak edo balio handikoak, zainketagatik edo ondarea babesteko arrazoiak tarteko liburutegiak bereziki zaindu behar dituenak,
- Argitaratu berriak, oposizioetarako gai-zerrendak edo mailegua ematen duen liburutegian eskaera handia duten dokumentuak.

NOLA ERABILTZEN DA ZERBITZUA?

Liburutegien arteko mailegutik datozen bi dokumentu eduki daitezke gehienez ere aldi berean, betiere ez bada gainditzen etxerako maileguaren araudi orokorrak baimentzen duen gehieneko dokumentu-kopurua.

Urtean, gehienez ere 10 dokumentu eska daitezke liburutegien arteko maileguan.

Etxerako mailegu pertsonalerako indarrean dauden arau eta baldintza berberak arautuko dituzte mailegu-aldia eta haren berritzeak.

Zerbitzua Nafarroako edozein liburutegi publikotan eska daiteke. Behin eskaera eginda, eskaerari lotutako tramite guztiak liburutegi horren beraren bidez egin beharko dira (dokumentua biltzea; itzultzea; uko egitea, eta abar).

Liburutegira joanda eskatuko dira maileguak.

Eskatzaileak Nafarroako liburutegi publikoen txartela aurkeztu beharko du, eta eskaera-formulario bat bete, non datu hauek adieraziko baitira: datu pertsonalak, eskatutako dokumentuaren datuak, eta nahi duen dokumentua zer liburutegitan dagoen eskuragarri.

Eskaera jaso duen liburutegia arduratuko da liburua eskatzeaz, eta eskatzaileari jakinaraziko dio mailegua onartu den edo ez.

Eskaera egin duen liburutegiak dokumentua jasota, eskatzaileari jakinarazi eta hark hiru egun balioduneko epea izanen du bila joateko.

Dokumentua non jaso, liburutegi horretan bertan itzuliko da, eta liburutegia arduratuko da dokumentua jatorrizko liburutegira bidaltzeaz.

ERABILERA ARDURATSUA

Nafarroako liburutegi publikoek beren gai hartzen dituzte dokumentuen bidalketa-gastuak, eta, hartara, dokumentuen eskaerak ez die inolako kosturik ekartzen erabiltzaileei. Horregatik, zerbitzuak berekin dakartzan kudeaketa eta esfortzu ekonomikoa aintzat hartuta, haren erabilera arrazionala egiten ahalegindu behar da.

Mailegu-zerbitzuak liburutegien bildumak osatzen ditu, baina ez ordeztan. Zerbitzu horren helburua da herritarren esku jartzea haientzat beharrezkoak edo interesgarriak diren dokumentuak, bereziki hurbileko liburutegietan ez daudenak edo liburutegian bertan ezin eskura daitezkeenak.

Pertsona batek ez badu aurrera jarraitu nahi jada egina duen eskaera batekin, lehenbailehen jakinarazi beharko du eskaera egin zuen liburutegian bertan. Inor, eskaera eginda, ez balitz joanen eskatutako dokumentuen bila, zehapena jaso eta mailegu-zerbitzutik kanpo geldituko da.

INFORMAZIO OSOA HEMEN:



<http://tiny.cc/prestint>

